

1 PITA Pita Mij Ned Ak Tikak

¹ Yad Pita, bi Jisas Klays takaw nop dad ameb ak midebin. Miñil yad mij anib ak ñu kil tikebin. Tikil, nibi binib God nibop aglak okok midil, man ke okok ju am midebim okok, nibop ñebin. Man ke okok ju am midebim anib okok, Podus plopens ak, Galesiya plopens ak, Kapadosiya plopens ak, Esiya plopens ak, Bitiniya plopens ak midebim.

² Bapi God ne bilel gos niñid, gos ne ke nep niñid kidek gil, nibi binib yad yenigabim agil nibop aglak. Aglil, kidek Kawnan ne ak agyokek apil, nibop gek God binib suntep ne midebim. God ne nibi Jisas Klays takaw ne ak kidek gem, nikim ne ak nibop askoy pakñek binib gach ma mideb okok yenimib agil, anigak. Ne nibop yimug awl niñid gitep gek, kimigel midtep ginimib.

Midtep gep chin ak, mideb God man ne alarj

³ God, ne Biawl chin Jisas Klays nop God ne mideb, Nap ne mideb. Yib nop dad aplanigun. Ne nokom chinop mapen yibil niñid, Jisas Klays kumak ak nop gek tepayan tikjakak. Tikjakak ak nim, God chinop gek binib konjim midil, gos sek kod midobun.

⁴ Pen binib konjim midobun tek, chin nopun, God tap telep ne chinop ñinigab okok, man ne

1:1 2 Ti 1.15, Jem 1.1 **1:2** Lom 1.7, 8.29, 2 Te 2.13, Hib 10.22, 12.24, 2 Pi 1.2 **1:3** 1 Ko 15.20, 2 Ko 1.3, Epe 1.3, Jem 1.18 **1:4** Kol 1.5, 1.12, 2 Ti 4.8, Jem 5.4

alan gilitap gup. Anib okok gach sek ma midil, kul ma gil, pel pelnep yenigab.

⁵ Nibi Klays nop gos linepim, anib ak tek God kiles awl ne ak dil nibop kod yek, midtep gilig midebim. Ne yad kilop tig asik den, midtep yibil ginigel agil gos nigup. Pen gup anib ak, nin kidek ak misen linigab.

⁶ God ne anib okok nibop ginigab ak nigem, tep yibil gakinin miñmiñ ginimib. Miñil pen sikol won olap mideb, miñel keke kunay nibop apek yul dil koslam yenigabim.

⁷ Koslam yenigabim anib ak, God ne nibop ninid nigtep ginigab, Klays nop gos linepim akan, gos ma linepim ak. Chin nopun, binib tap gol mani awl tawpal ak dagilel yinek, tap gol nep mideb akan, tap dayday sek mideb agil nepal. Tap gol ak pen, kul ginigab. Klays nop gos linopun ak tap awl yibil, tap gol ak tap yokip tek lup. Anib ak tek miñel keke kunay nibop apek koslam yenigabim ak, nibop yomek niginimib, Klays nop nokom gos kiles gil linepim. Anigem, kidek Jisas Klays adikid misen ownigab ak, nibop nigeek tep yibil gek, yib awl nil yib nibop dad aplanigab.

⁸ Klays nop widin ma nepek ak pen, nop mapen lipim. Miñil abe nop widin ma nepim ak pen, nop gos linid miñmiñ gipim. Miñmiñ gipim anib ak, tap awl yibil, lum awl miñmiñ gipal ak tap yokip tek lup. Pen miñmiñ gipim ak tap awl yibil ak, chin gos ninid takaw agep tek ma lup.

1:5 Jon 10.28-29, 17.11-15, Jud 1 **1:6** Lom 12.12, 2 Ko 4.17, 6.10, Jem 1.2, 1 Pi 5.10 **1:7** Jop 23.10, Sng 66.10, Snd 17.3, Ais 48.10, Sek 13.9, Mal 3.3, Lom 2.7, 2.10, Jem 1.3 **1:8** Jon 20.29, 2 Ko 5.7, Hib 11.1, 11.27, 1 Jo 4.20

⁹ Anib ak Klays nop gos linigem, God chinop tig asik dinigab agil gos ninid miñmiñ gipim. Anib ak tek nep, God nibop tig asik dinigab.

¹⁰ Pen God nibop tig asik dinigab anib ak, bilel bi God gos ñek agñeb okok kili takaw anib ak agñilak. Kili agilak, God nibop yimug ninid gitep ginigab agilak. Pen God nibop gitep gil tig asik dinigab takaw agñilak ak, jij ak tay agil, piyowil piyowil yeligipal.

¹¹ Bilel Klays Kawnan ne ak kilop kod midil, gos ñek agñilig agilak, Klays ne yul awl dek, kidek tap teplep yibil kunay ginigab agilak. Gos ne kilop ñak anib ak, kili ñin akal ownigab tek, titay dil ownigab agil, piyowil yeligipal.

¹² Piyowil yelakniñ God kilop misen yomak, tap okok kili ninid agñilak ak, tap kili ke mel, tap nibi. Pen miñil God ne Kawnan ne ak agyokek, man ne alan nib apil, bi oginap kilop gos anib ak tek ñak. Ñek, God gup anib ak takaw teplep ak nibop agñel, nigtep gipim. Ensel okok abe, takaw anib ak ninid, God binib okok kilop tay tek ginigab agil gos nepal.

God agup, Nibi binib suntep yad midelim agup

¹³ Anib ak tek, minek minek wog ginigun agil gos ninid midil, nigtep gil gos nigilig yenimib. Kidek Jisas Klays adikid misen ownigab ak, God nibop yimug ninid gitep ginigab. Nibop yimug ninid gitep ginigab anib ak, gos nigilig midil gos sek kod yenimib.

1:9 Lom 6.22 **1:10** Dan 2.44, Hag 2.7, Sek 6.12, Mat 13.16-17, 2 Pi 1.19-21 **1:11** Sng 22, Ais 53, Luk 24.26-27, 1 Pi 3.19, 2 Pi 1.21
1:12 Dan 9.24, Epe 3.10, Hib 11.13, 11.39-40 **1:13** Luk 12.35, Lom 13.13, 1 Ko 1.7, 1 Te 5.6-8

14 Miñil nibi ñipay takaw niñid kidek gıpal tek midebim. Anib ak bilel gos nigtep ma gil, gos nibi ke nepim adek ak pel geligipim tek ma ginimib.

15-16 Buk Baybol ak tikil anib agak, Yad gach sek ma midil, suntep yibil midebin, anib ak tek nibi gach sek ma midil suntep yibil yenimib agil tikak. God nibop suk agil agak ak, ne gach sek ma midil suntep yibil mideb. Anib ak tek nibi abe, titay ginig ginimib ak, gach sek ma midil suntep yibil midil, agup tek ginimib.

God tap awl yibil tawil, chinop giñil anigil dup

17 Nibi pel God ayip agilig, nop suk agilig Bapi apim. Bapi nim ak, ne binib adip adip midebal ak niñid, kilop anigil tig asikup. Pen kili gıpal gıpal tek nep niñid, tig asik bilokup. Anib ak miñil lum awl midebim won ak, nibi binib man ke okok nib ju apil midebal tek midil, God ne bi jel gup ak nop niñid, muk okok yenimib.

18 Apis based nibi okok kili gos yipid ma gil sawl yibil gel, gi dad amil nibi abe geligipim. God pen nibop giñil anigil dek, apis based geligipal ak keligipim. Pen nib nepim, tap gol, silpa, tap kuyig yowep anib okok tek ñil, nibop giñil anigil ma dak. Mel.

19 Ne Klays nikim ne ak ñil, nibop giñil anigil dak. Nikim anib ak, tap awl yibil. Klays ne chag sipsip ñiluk olap tek yek. Chag sipsip ñiluk God nop sibog

1:14 Lom 12.2, Epe 2.3, 4.17-18, 1 Te 4.5 **1:15-16** Wkp 11.44-45, 19.2, 20.7, Mat 5.48, 2 Ko 7.1, Hib 12.14, 2 Pi 3.11 **1:17** Lo 10.17, Mat 6.9, Apo 10.34, Lom 2.11, 2 Ko 5.6, 7.1, 2 Ti 4.14, Hib 11.13, 12.28, Lep 2.23 **1:18** Ese 20.18, 1 Ko 6.20, 7.23, 1 Pi 4.3 **1:19** Kis 12.5, Ais 53.7, Jon 1.29, 1.36, Apo 20.28, 1 Ko 5.7, Hib 9.12-14, 1 Pi 1.2, Lep 5.9

ñibal okok, tap timel olap ma midil, soy tap okok ma mideb. Klays abe, tap timel olap ma midil, gach sek ma mideb.

²⁰ God bilel man alwol ma gilak ñin ak, gos ne ke nep niñid kidek gil, Klays ne anigil ginigab agil, nop aglak. Pen miñil ñin kidek midobun ñin awl, God Klays nop agyokil misen lek, nibop nen owak.

²¹ Apil nibop gek, God nop gos linepim. God nim ak, ne Klays kumak ak nop gek tepayan tikjakek, yib awl nop ñak. Anib ak tek nibi God nop gos liniñid, nop nokom niñid gos sek kod midebim.

Mam ay okok ayip penpen mapen linigun

²² Nibi takaw niñid yibil ak kidek gil, God widin midup ne adek sinak teplep midebim. Anigil midil, mam ay okok kilop mapen lipim. Anib ak miñil gos nibi nab ayan suntep mideb ak niñid, kilop mapen yibil lilig yenimib.

²³ God takaw ne ak nibop gek binib konim midebim. Pen takaw anib ak, yep won nokom midil, kul ginigab olap ma mideb. Takaw anib ak, God takaw ne pel midep ak, pel pelnep yenigab.

²⁴ Buk Baybol ak tikil anib agak,
Binib okok midupsek kili bopil tek midil, tap teplep kili ak yib awl kili ak midupsek, nag sum tek mideb agil tikak. Bopil ak kasek milep gil, nag sum okok lug yowup agil tikak.

1:20 Apo 2.23, Gal 4.4, Epe 1.4, 1.10, Kol 1.26, Tat 1.2-3, Hib 9.26

1:21 Jon 14.6, Apo 2.24, 2.33, Lom 4.24, 5.1-2, 10.9, Plp 2.9, Hib 2.9, 1 Pi 3.22 **1:22** Jon 13.34, Apo 15.9, Lom 12.9-10, 1 Ti 1.5, 2 Pi 1.7, 1 Jo 3.18 **1:23** Jon 1.13, Hib 4.12, Jem 1.18, 1 Jo 3.9 **1:24** Sng 103.15, Ais 51.12, Jem 1.10-11 **1:24** Ais 40.6-8

25 Biawl takaw ne ak pen, pel pelnep yenigab agil tikak.
Takaw anib ak nep, takaw teplep ak nibop agñibal.

2

Biawl ak nim, ne kab tep pel midep ak

1 Nibi binib konjim midebim, anib ak tap timel ginigun agil gos nepim ak keliginimib. Pen binib kilop yepis agon chinop niginigel agil nepim ak, takaw yepis keke apim ak, tap kili okok chin tek yobikop agil nepim ak, binib kilop takaw timel agil agjupim ak, midupsek keliginimib.

2-3 Chin nopun, ñapay ñañ kidek tikipal okok, tul ñinjun agil gos nokom nepal. Anib ak nep, God Kawnan ne ak tap ñinjeb tek nibop ñub ak, nibi tap ñinjeb tek anib ak ñinjun agil gos nokom niginimib. Tap anib ak, tap timel olap migan ayan ma mideb. God nibop pel gup ak, nibi anib ak ninjid nepim, Biawl ak ne bi teplep yibil mideb. Anib ak God Kawnan ne ak tap ñinjeb tek nibop ñub ak, nibi dil ñibil, awl gem, God nibop tig asik dinigab.

4 Biawl ak ne kab tep pel midep tek mideb ak, nibi ne yil amnimib. Binib kili nop ninjid anib apal, Nop ma dinigun, mel apal. Mel apal ak pen, God ne nop aglil, bi teplep yibil mideb agil gos nigup.

5 Nibi abe kab tep pel midep okok midebim. Anigil midem, God Kawnan ne ak kili kal yad tek yenigel agil, nibop dil kal anib ak gililig gup. Pen

1:25 Jon 1.1, 1.14, 1 Jo 1.1-3 **2:1** Epe 4.22, 4.25, Kol 3.8, Hib 12.1, Jem 1.21 **2:2-3** Sng 34.8, Mat 18.3, Mak 10.15, 1 Ko 3.2, 14.20, Epe 4.15-16, Hib 5.12-13, 6.5 **2:4** Sng 118.22, Ais 28.16, Mat 21.42, Apo 4.11 **2:5** Kis 19.6, Ais 61.6, Hos 14.2, Mal 1.11, Lom 12.1, Epe 2.21-22, Plp 4.18, Hib 13.15-16, Lep 1.6

God nibop aglek, nibi bi God nop sibogep okok abe yenigabim. Anigil midem, God Kawnan ne ak nibop gek, nibi Jisas Klays nop gos nepim. Gos niñid, God nop tep ginimunj agil, nibi ke dil God nop sibog ñinimib.

⁶ Buk Baybol ak tikil anib agak, Nigim. Kab olap, kal meg awl nab ayan punilup tek mideb ak, taun Sayon dilebin agil tikak. Kab anib anop aglil, kab teplep yibil mideb agil gos nepin agil tikak. Binib nop gos liniginigabal okok, kili neben dinigel tek ma yibil linigabal agil tikak.

⁷ Anib ak nibi binib nop gos linepim okok, kab anib ak niñid, tap teplep yibil yib mideb agil gos nepim. Binib pen nop gos ma linepal okok, God takaw ak kilop niñid, tikil agak, Bi kal gep okok kab olap ma dinigun agil keligilak ak, kab anib ak miñil kal meg nab ayan tek ak mideb agil tikak.

⁸ Pen takaw olap tikil agak, Kab anib ak binib okok tob kili ak adek anib ak aldek apyap pakinigabal agil tikak. Kab kiles timel anib ak, tob kili ak aldek midunj amil apyap pakinigabal agil tikak.

God takaw ak ma nepal, anib ak tek kili apyap pakipal. Anigipal ak, God ne kili ginigabal agak tek nep gipal.

⁹ God pen nibop aglek, binib ne yibil midebim. Nibi Binonim bi wog giñeb ne ak midil, bi God nop

2:6 Ais 28.16, Lom 9.33, Epe 2.20 **2:7** Sng 118.22, Mat 21.42, Apo 4.11 **2:8** Ais 8.14-15, Apo 4.11, Lom 9.22, 9.33, 1 Te 5.9 **2:9** Kis 19.5-6, Lo 4.20, 7.6, 14.2, Ais 9.2, 40.20-21, 43.20-21, Jon 17.19, Apo 20.28, 26.18, Epe 5.8, Kol 1.13, Tat 2.14, 1 Pi 2.5

sibogep wog ak gipim. God binib ne suntep yibil midebim. Nibi God binib ne ke nibop aglup ak midebim. God ne kili tap telep yibil yad gipin okok agyikinigel agil, nibop aglil dak. Ned kisilim nab okok yeligipim ak pen, nibop suk agil milek tep yibil ne adek sijak lak.

¹⁰ Ned nibi binib yokip yeligipim ak pen, miñil God binib ne midebim. Ned nibop mapen niñid ditep ma goligup ak pen, miñil nibop mapen niñid ditep gup.

Chin God binib wog giñeb ne okok yonigun

¹¹ Binib mapen yad okok, nibi binib man ke okok nib ju ap midil, man nibi ma midebim. Anib ak yad nibop kiles gil agebin, mubwak gos nab nedil ayan ak midupsek kud ñil keliginimib. Gos lum awl yil anib ak, gos nibi pi ak ayip penpen gebil.

¹² Nibi binib God nop kidek ma gipal nab okok midil, gitep gil kanib tep adek ak amnimib. Anigem, kili nibop niñid takaw timel agil agjunigabal okok, gitep ginigabim ak niñid, kidek God ne ownigab ñin ak, yib nop ak dad aplanigabal.

¹³ Nibi Biawl binib ne midebim, anib ak tek biawl lum awl midupsek okok, kilop muk okok midil aginigel tek niginimib. Gapman binonim ak, ne gapman biawl yibil ak yek, nop muk okok midil aginimuj tek niginimib.

2:10 Hos 1.9-10, 2.23, Lom 9.25 **2:11** 1 Sto 29.15, Sng 39.12, Lom 13.14, Gal 5.17, 5.24, Hib 11.13, Jem 4.1 **2:12** Mat 5.16, Luk 19.44, Lom 12.17, 2 Ko 8.21, Plp 2.15, Tat 2.8 **2:13** Mat 22.21, Lom 13.1, Tat 3.1

14 Pen gapman biawl plopens keke kod midebal okok abe, kilop muk okok midil aginigel tek niginimib. Gapman biawl anib okok, gapman binonim ak ne kilop agyokak. Agyokek, binib gi timel gipal okok kilop pen gi timel ginigel, binib gitep gipal okok yib kilop ak dad aplanigel.

15 Nigim, God ne anigil gos nigup. Nibi gitep gem, binib gos ma lak okok nibop takaw yepis agil, agjunigel tek ma linigab.

16 Nibi binib nag lup ak asikil, konim amebal tek yenimib. Pen gos anib ak ninid, gi timel gil monmon ma ginimib. Mel. Nibi God binib wog giñeb ne midebim, anib ak tek gitep nep ginimib.

17 Binib okok midupsek kili yib mideb agil, kilop gitep ginimib. Mam ay Klays yil midebal okok kilop mapen linimib. God ne bi jel gup ak nop ninid, muk okok yenimib. Gapman binonim anop yib awl ñinimib.

Jisas gak ak kidek gil, yul dinigabun

18 Nibi binib wog giñeb okok, biawl nibi okok kilop muk okok midil, gitep gil, aginigel tek niginimib. Pen biawl okok kili nibop gitep gil sayn tep yibil midebal ak nep mel. Biawl okok kili nibop gi timel yibil gipal ak abe, kilop muk okok midil gitep ginimib.

19 Nigim. Nibi gitep gem, binib oginap nibop yul ak monmon ñel, God nop gos ninid yul awl ak dipim ak, God nibop nigek tep yibil gup.

20 Pen gi timel gem, nibop pakil yul ak ñel, yul awl ak dipim ak, tap anib ak tay dinigabim? Tap tep olap ma dinimib tek lup. Nibi pen gitep gem, nibop yul ak ñel, yul awl ak dipim ak, God nibop nigeek tep yibil gup.

21 Klays ne nibop nen yul awl dak ak nim, Klays anigak tek nibi abe ginimib. God ne nibi aniginimib agil nibop aglak. Anib ak Klays ne gak tek nibop yomub ak, nibi kidek gil aniginimib.

22 Ne tap timel olap ma gak, takaw yepis ma agak.

23 Kili nop agjuwel, kilop pen ma agjuwak. Kili nop gi timel gilakniñ yul awl dek, nibop pen gi timel ginigayn agil ma agak. Ne ke dil, bi tig asikep anop ñak. Bi tig asikep anib ak, God nim. Ne pel tap okok midupsek yipid gil yibil tig asikup.

24 Klays tap si tap timel gipun ak dil, mubwak ne di jimñil lil, mab bak alan kumak. Ne kili tap timel anib okok midupsek keligil, God agak tek kidek gil konim yenigel agil kumak. Nop tapin pakel yul awl dak tek, nibop sun lup.

25 Nibi chag sipsip okok nib okok nib ajipal tek yeligipim. Miñil pen adikid, bi chag sipsip mukep yil ak opim. Bi anib ak, nibop kod midil ditep gup.

3

Bi bel okok kilop takaw agup ak

2:20 1 Pi 3.14, 3.17, 4.14-15 **2:21** Mat 16.24, Jon 13.15, Apo 14.22, 1 Pi 3.18, 1 Jo 2.6 **2:22** Ais 53.9, Jon 8.46, 2 Ko 5.21, Hib 4.15 **2:23** Ais 53.7, Mat 27.39, Jon 8.48-49, Hib 12.3, 1 Pi 3.9 **2:24** Ais 53.5, Lom 6.2, 6.11, 7.6, Hib 9.28 **2:25** Ais 53.6, Ese 34.5-6, 34.23, Mat 9.36, Jon 10.14, Hib 13.20

1-2 Anib ak nep, bin bi sek midebim okok, nibi nigimil sikop muk okok midil, aginigel tek niginimib. Anigem, bi nibi oginap God takaw ne ak tibilikipal okok, nibi kilop muk okok midil, tap gach sek ma gil gitep gipim ak niginigabal. Nibi God takaw oginap kilop ma aginimib, kili gitep gipim ak nep ninid, Klays nop gos liniginigabal.

3 Pen kimig wij mubwak nibi bin ak, tap kunay ma tib kadig ginimib. Bis, nin kagol tap gol dil gilak okok, kunay ma ginimib. Chech mani awl apal okok tawil yimin agil gos ma niginimib.

4 Nibi pen nab nibi ayan tib kadin ninimib. Tap anib okok timel ma ginimun tek lup. Pen tap tib kadin ninigabim anib okok anigil mideb. Nibi sayn tep kimigel midil, kimigel midtep ginimib. Anigem, God ne nigek nop tep gek, nibi tap teplep gil bin teplep yibil midebim agil gos nigup.

5 Chin nopun, bin bilel God nop pel gos nigeligipal okok, kili anib ak tek nep geligipal. Kili ke dil God nop nil, gos sek kod yeligipal. Nab kili ayan tib kadin nil, nigimil sikop kilop muk okok midil, aginigel tek nigeligipal.

6 Bin Sala ne bin anib okok olap yoligup. Nigimil Eblaham nop muk okok midil agoligup tek ninid, anib agak, Nad biawl yad agak. Nibi ma pilikil, gitep gak anib ak tek gil nim, Sala payne yibil tek midebim.

7 Nibi bi bin sek midebim okok abe, gos tep ak kidek gil bin nibi okok ayip midtep ginimib. Kili bi tek kiles ma midebal ak nim, kilop ditep ginimib.

3:1-2 Mat 18.15, 1 Ko 7.14-16, Epe 5.22, Kol 3.18, Tat 2.5 **3:3** 1 Ti 2.9, Tat 2.3 **3:4** Sng 45.13, Lom 7.22, 2 Ko 4.16 **3:5** Stt 18.12
3:7 1 Ko 7.3, 12.23, Epe 5.25, Kol 3.19, 1 Te 4.4

God nibop bi okok abe, kilop bin okok abe yimug niñid gitep gek, ayip pelpel midtep ginigabim. Anib ak nibi bi okok, bin nibi okok kili teplep yibil midil yib midebal agil gos niginimib. Anigipim ak, nibi God ayip aginig, tap olap nibop gep tek ma linigab.

Chin binib oginap kilop gitep ginigun

⁸ Pen miñil takaw ak agjunigebin. Nibi gos nokom jimñil lil niginimib. Penpen yimug niñid ditep ginimib. Mam ay okok ayip penpen mapen lilig dinimib. Kilop chib niñid, yad bi tam okok tek midebin agil gos niginimib.

⁹ Binib nibop milik niñid gi timel gipal ak, pen milik niñid gi timel ma ginimib. Nibop agjupal ak, pen ma agjunimib. Nibi pen aniginimib. Binib nibop gi timel gipal ak, God nop agnigem, kilop gitep ginimun. God ne nibi anigil gitep ginimib agil gos niñid, nibop suk agak. Anigem, ne nibop pen gitep yibil ginigab.

¹⁰ Buk Baybol ak tikil agak,

Binib midtep gon, minek minek chinop tep yibil gonimun agil gos nepal okok, kili aniginigel agil tikak. Takaw timel okok ayip, takaw yepis okok ayip ma aginigel agil tikak.

¹¹ Pen gi timel gipal ak kud ñil keligil, gitep ginigel agil tikak. Binib okok midupsek ayip jimñil kimigel midtep ginigun agil, adek anib ak nep gel amnimun agil tikak.

3:8 Mat 5.44, Lom 12.10, Plp 3.16, Kol 3.12, 1 Te 5.15, 1 Pi 2.17, 2.23

3:9 Mat 25.34, Lom 12.14, 1 Te 5.15 **3:10** Jem 1.26, 1 Pi 2.1, 2.22

3:10 Sng 34.12-16 **3:11** Ais 1.16-17, Lom 12.18, Hib 12.14

12 Niğim. Biawl binib suntep ne okok, ne kilop kod midil ditep gil, nop agnepal ak niğup agil tikak. Binib pen gi timel gıpal okok, kilop gos timel niğid gi timel yibil gup agil tikak.

Gıtep gon chinop gi timel gel, pilikil gos kuñay ma niğiniğun

13 Pen nibi gıtep gun agil nep gem amek, bi an nibop gi timel giñigab? Bi olap ma mideb.

14 Pen yipid gil gıtep gem nibop gi timel gel yul denimib, God gek nibop tep yibil gup. Binib nibi pilikinimib agil nibop gi timel gıpal ak, kilop ma pilikil, gos kuñay ma niğinimib.

15 Pen gos nibi nab ayan, Klays nokom ne Biawl chin suntep mideb agil gos niğinimib. Binib ogınap, taynen gos sek kod midebim agil agniğenigel, kilop pen anib anib agniğiniğun agil gos niğinimib. Gos chin dilitep gil, pel agniğinig yoniğun agil kod yenimib.

16 Pen agniğinig, kili ayip kimigel midon agil, kilop ditep gil kimigel agni tep giñimib. Gem, chıbol nab nibi ayan midtep giñimun. Anigem, binib ogınap, nibi Klays nop chıgil gıtep gıpım ak niğid, nibop takaw timel agil agjupal okok, kili takaw timel anib apal ak gos niğid, nebeñ dinigel.

17 God nibop gos niğid, nibi gıtep gem nibop yul ak ñenigel, yul awl ak dinigabım agil gos niğenigab, takaw ma mideb. Pen gi timel gem, nibop yul ak ñenigel, yul awl ak dinigabım ak, ak timel gup.

3:12 Jon 9.31 **3:13** Snd 16.7, Lom 8.28 **3:14** Jer 1.8, Mat 5.10,
Jem 1.12, 1 Pi 2.20, 4.14 **3:14** Ais 8.12-13 **3:15** Apo 4.8, Kol 4.6,
2 Ti 2.25 **3:16** Tat 2.8, Hib 13.18, 1 Pi 2.12 **3:17** 1 Pi 2.20

Klays kumil tepayan tikjakil, chinop tig asik dup

18 Pen Klays nop gos nigim. Nop abe gi timel gel, yul awl dak. Ne bi suntep yek ak pen, binib suntep ma yelak okok kilop nen kumak. Binib tap si tap timel gipal ak tig walig giyokil, nibop dapil God yil dad ownim agil kumak. Minek nokom yibil kumak, tepayan kumnimuj tek ma linigab. Ne lum awl mubwak sek yek, nop paklel kumak. God Kawnan ne ak pen Klays nop gek, tepayan tikjakil konim yek.

19 God Kawnan ne ak Klays nop gek amil, binib ned kumil kawnan kili okok am nag lil yelak okok, kilop takaw agñak.*

20 Kawnan anib okok, binib kili Nowa yek ñin ak, God takaw ne ak tibilikilak. Ñin anib ak, tap timel ak gil, tap awl yibil amnak ak pen, God won anib nep kilop gi timel ma gak. Mel. Takaw yad niginigabal akan agil, kod yek. Kod midil mid dad amil, Nowa ne sip awl ak gijuwak. Gijuwil, binib sikol bad olap, anep jel ak sip migan amnilak. Amel, ñig awl tan aplanek, God kilop gitep gek midtep gilak.

21 Ñig anib ak, ñig pakipal tek mideb. Anib ak tek miñil nibi ñig pakem, God nibop tig asik dup. Pen ñig pakipim anib ak, wak gach li yokun agil ma ñig pakipim. Ñig pakipim jij ak anigil mideb.

3:18 Lom 5.6, 6.10, 8.11, 2 Ko 13.4, Epe 2.18, Kol 1.21-22 **3:19** Stt 6.1-7.24, 8.18, Hib 11.7, 2 Pi 2.5 * **3:19** Bi gos nigepep oginap anigil nigilak. Kawnan anib okok, binib kili Nowa yek ñin ak kumilak okok. Bi gos nigepep oginap sek pen, anigil nigilak. Jisas ne amil, kicheki kili bilel God takaw ak tibilikel ne kilop dek nag lil yelak okok, kilop agñak. **3:21** Lom 10.10, Epe 5.26, Tat 3.5, Hib 10.22

Nibi gos telep pal ak nig midilig, gos timud chinop tig asikinigun agil, God nop anib aglipim. Jisas Klays nibop agil kumil tepayan tikjakak ak nim, ñig pakem, God nibop tig asik dup.

²² Pen Klays ne God man ne alañ amil, ñin yipid kid ne okok mideb. Yek, ensel okok sek, kicheki kiles midebal okok sek, tap kiles okok midupsek kili nop muk okok midebal.

4

Gos nedil ak keligil kidek ma ginigun

¹ Anib ak, Klays lum awl midil mubwak ne yul awl dak tek, kili chinop abe gel yul awl dinigabun agil, gos ne nigup tek niginimib. Chin nopun, binib yul awl dipal okok, kili tap si tap timel gun agil gos ak ma nepal.

² Anib ak tek, ñin anib ak tikil, mid dad amil kidek kumnigabal won ak, mubwak gos nab ayan nedil ak kidek ma ginigabal. God gos ne ke nigup ak niñid kidek ginigabal.

³ Nibi ned binib God nop kidek ma gipal okok pel gos niñid nigeligipal tek geligipim. Sikol won olap mel, pelpel geligipim. Nim anib ak tek. Tap si tap timel okok monmon yibil gil, gos timel niñid mapen tikjakek geligipim. Ñig kiles ñibil sawl lil, tap nigep ma nigep gil, monmon yibil geligipim. Tap yepis agnigep okok agniñid, neber ma deligipim.

⁴ Miñil pen, binib God nop kidek ma gipal anib

3:22 Sng 110.1, Mat 22.44, Lom 8.34, 8.38, 1 Ko 15.24, Epe 1.20-21
4:1 Lom 6.2, 6.7, Gal 5.24, Kol 3.3-5 **4:2** Jon 1.13, Lom 6.11, 2 Ko 5.15, Gal 2.20, 1 Jo 2.16 **4:3** Apo 17.30, Epe 2.2-3, 4.17, Tat 3.3
4:4 Apo 13.45, 18.6, 1 Pi 3.16

okok ayip ma ajipim. Kili pelpel sawl sek lek monmon gipal anib ak, kili ayip ma gipim. Pen tap timel anib okok ma gipim ak kili niñid ju dil, taynen chin ayip jimñil ma gipim agil, nibop agjupal.

⁵ Pen kili tap monmon okok anigipal ak, bi tig asikep ak nibi taynen anigipim agil agnigek, nop agñinigabal. Bi tig asikep anib ak, ne binib koñim midebal ayip binib kubal ayip kilop tig asikinig mideb.

⁶ Anib ak tek binib kubal okok, ned koñim yelak ñin ak kili takaw telep ak nigilak. Niñid apun, kili tap si tap timel gel, binib midupsek kumnigel tek kumil, mubwak ak kuy gilak. Kuy gilak ak pen, kawnan kili okok amil, God koñim mideb tek ak yenigel.

God chinop kiles telep keke ñek, wog ne gitep ginigun

⁷ Wulep mideb, lum awl tap okok midupsek kul ginigeb. Anib ak chin God ayip aginigun agil gos niñid, sayn midil gos nigtep gil, gos tep nigilig yenimib.

⁸ Takaw awl yibil ak nim, penpen mapen lil yenimib. Binib penpen mapen lipal okok, midtep ginigabal. Pen mam ay oginap kilop gi timel genigabal, kili kasek niñid keliginigel tek lil, midupsek midtep ginigabal.

4:5 Apo 10.42, 17.31, 1 Ko 15.51-52, Jem 5.9 **4:6** Lom 8.10, 1 Ko 5.5 **4:7** Mat 24.13-14, Luk 21.34, Lom 13.11-12, 1 Ko 10.11, Plp 4.5, Kol 4.2, 2 Pi 3.9, 1 Jo 2.18 **4:8** Snd 10.12, 1 Ko 13.7, Kol 3.14, Hib 13.1, Jem 5.20, 1 Pi 1.22

⁹ Binib Klays yil midebal okok apel, kilop ag dap kal migan nibi lil ditep ginimib. Ditep gilig kilop yilik ma niginimib.

¹⁰ God nibop yimug niñid gitep gil, nokom nokom kiles telep ñub. Anib ak kiles keke nibop ñub anib okok, kod midtep gil binib oginap kilop ditep gil giñinimib.

¹¹ Binib olap nop kiles ñek takaw agñinig, God takaw ne yibil nep agñinimuj. Binib olap nop kiles ñek, tap malik gil giñinig, God kiles ne anib ak dil malik gil giñinimuj. Anib okok midupsek anigem, binib oginap nibi Jisas Klays nop gos niñid anigebim ak niñid, God nop yib awl ñinigabal. Yib nop pel pelnep dad aplaneb, kiles ne tap okok midupsek pel kod mideb. Yaw.

Klays ne yul awl dak tek, chin abe yul awl dinigabun

¹² Binib mapen yad okok. Nibi miñel awl yibil debim ak, ak mab miñilan tek mideb. Midil nibop gek, kiles gil jak midil miñel ak dinimib tek lup. Pen tap olap ke chinop gil taynen anigeb agil, gos ak ma niginimib.

¹³ Miñel anib okok, Klays ne yul awl dak tek, nibi abe yul awl dipim, anib ak miñmiñ ginimib. Anigem, Klays ne biawl milek sek yib awl sek adikid ownigab ñin ak, nibop tep yibil gek miñmiñ timel yibil ginigabim.

4:9 2 Ko 9.7, Plp 2.14, Plm 14, Hib 13.2 **4:10** Lom 12.6-8, 1 Ko 4.1-2, 4.7, Tat 1.7 **4:11** 1 Ko 3.10, 10.31, Epe 5.20, 1 Pi 5.11, Lep 1.6
4:12 1 Ko 3.13, 1 Pi 1.6-7 **4:13** Apo 5.41, Lom 8.17, 2 Ko 1.7, 2 Ti 2.12, Jem 1.2, 1 Pi 1.5-6, Lep 1.9

14 Nibi Klays yil midem nibop agjuwenigel, tep gакnıñ midebım. God Kawnan ne ak, Kawnan milek sek yib awl mideb ak, ne ayip midebım ak niñid nım, anıgıpal.

15 Niğim. Nibi olap chip ñagıl, tap si dil, tap timel ogınap gıl, bi ogınap tap kili gıpal ak niğilig takaw dilig agıl gek, nop yul awl ñinigabal ak, ak tep ma mideb.

16 Pen binib ogınap nibop olap niñid, ne Klays bine olap mideb agıl nop yul awl ñel, nebeñ ma dinımun. Klays bine miden yip anıgıpal agıl, tep gакnıñ God yib nop ak dad aplanımun.

17 Chin God binib ne ke midobun okok, God chinop tig asik bilokinıgab ñin ak miñil owup. Chinop ned bilokil, kidek binib God takaw teplep ne ak ma dil tibilikıpal okok, kilop bilokinıgab. Pen kilop bilokinıgab ñin ak, kili titay dil tek yenıgabal?

18 Buk Baybol ak tikil agak,

God binib suntep ne okok, koslam yibıl gıl, gi dad amel amel kilop tig asik dinıgab agıl tikak. Ak nım, binib God nop kud ñil kidek ma gıl, tap si tap timel gıpal okok, kili titay dil tek yenıgabal agıl tikak?

19 Anıb ak tek, God binib ogınap kili yul awl denigel agıl gos niğinigab. Niğinigab, binib anıb okok gıtep gilig God nop niğilig, kili ke God nop ñinigel. Ne chinop gilak ak, chinop kod midtep gıl, pelpel ditep yibıl ginıgab.

4:14 Sng 89.50-51, Mat 5.11, 2 Ko 12.10, Jem 1.12, 1 Pi 2.20 **4:15**
 1 Te 4.11, 1 Ti 5.13, 1 Pi 2.20 **4:16** Apo 11.26, Plp 1.20 **4:17** Jer
 25.29, Mal 3.5, Luk 10.12-14, 23.31, 2 Te 1.8 **4:18** Snd 11.31, Luk
 23.31 **4:19** Sng 31.5, Luk 23.46, 2 Ti 1.12

5

Nibi bi Klays binib ne okok kilop kod midebim okok, binib ne okok kilop kod midtep ginimib

¹ Nibi bi Klays binib ne okok kilop kod midebim okok, nibop takaw aginigebin. Yad abe bi Klays binib ne okok kilop kod midep olap midebin. Klays yul dil kumak ñin ak, yad nig yenek. Pen Klays ne biawl milek sek yib awl sek adikid ownigab ñin ak, chin jimñil Klays ayip yonigabun. Anib ak yad nibi bi Klays binib ne okok kilop kod midebim okok kiles gil agebin.

² God binib ne, kili chag sipsip tek midebal okok, nibop ñek kilop kod midtep ginimib. Binib oginap nibi wog anib ak ginimib agil, nibop nebneb gil agel, wog ak ma ginimib. Mani tap okok nen wog anib ak ma ginimib. God ne wog ak chinop agek, chinop tep gilig ginigun agil, gos tep anib ak nigilig wog ginimib.

³ Pen chin biawl midobun binib kilop kiles gil agil kodinigun agil gos ma niginimib. Binib anib okok, God kilop dil nibop ñub. Anib ak nibi kilop gitep gem, gitep gipim tek kili abe ginigabal.

⁴ Anigem, Bi chag sipsip kod mideb biawl yibil ak ownigab ñin ak, tap teplep yibil nibop ñil dinigabim. Tap teplep anib ak, pel pelnep midil kul ma ginigab.

Yib chin ke ma dad aplanil, gos yipid gil nep niginigun

5:1 Apo 1.8, 1.22, Lom 8.17-18, Lep 1.9 **5:2** Jon 10.11-13, 21.15-17, Apo 20.28, 1 Ko 9.17, 1 Ti 3.3, 3.8, Tat 1.7, 1.11, Plm 14 **5:3** Sng 74.2, 1 Ko 3.9, 2 Ko 1.24, Plp 3.17, 1 Ti 4.12, Tat 2.7 **5:4** 1 Ko 9.25, 2 Ti 4.8, Hib 13.20, 1 Pi 1.4

5 Anib ak nep, nibi bi pilaj okok, biawl nibop kod midebal okok muk okok midil, aginigel tek niginimib. Nibi midupsek chin binib tam okok tek midobun agil, penpen muk okok yenimib. Nigim. Buk Baybol ak tikil anib agak,

Binib chin ke binib awl midobun agil apal okok, God kilop gek apyap pakipal agil tikak. Binib pen chin bi tam okok tek midobun agil nepal okok, kilop yimug niñid gitep gup agil tikak.

6 Anib ak chin bi tam okok tek yonigun agil, God kiles ne muk okok yenimib. Anigem, ne ke aglup ñin ak, nibop dad aplanigab.

7 God ne nibop yimug niñid ditep ginigayn agil nigup. Anib ak tek gos awl nep nigilig midebim okok, midupsek God nop ñinimib.

8 Pen nigtep gil gos nigilig yenimib. Bi kicheki biawl ak, ne nibop bi milik nigeap ak mideb. Ne chen layon tek midil, meg migan awl agil, binib su ñinjin agil piyowil nig aplan apyan gup.

9 Nop mel agil, Klays nop gos liniñid jak kiles gil yenimib. Nib nepim, God binib ne kili lum awl midebal okok midupsek, yul awl dipim tek kili abe dipal. Anib ak nop mel agil, jak kiles gil yenimib.

10 God ne nibop yimug niñid gitep gep bi ak mideb. Ne nibop suk agek Klays nop chig tep gil, God biawl milek sek midil ayip pelpel yenigabim. Won awl sikol midil, nibi yul awl

5:5 Snd 3.34, Ais 57.15, Epe 5.21, Plp 2.3, Jem 4.6 5:6 Mat 23.12, Luk 14.11, 18.14, Jem 4.10 5:7 Sng 37.5, 55.22, Mat 6.25-30, Plp 4.6
 5:8 Luk 22.31, 1 Te 5.6, Lep 12.12 5:9 Apo 14.22, Epe 6.11-13, 2 Ti 3.12, Jem 4.7 5:10 2 Ko 4.17, 1 Te 2.12, 2 Te 2.17, 1 Ti 6.12, Hib 13.21, 1 Pi 1.6

dil anigil yenigebim ak pen, kidek ne ke nibop gek midtep yibil ginigabim. Nibop kiles ñil kod midakniñ, kiles gil yenimib tek lek, jak kiles gil yenigabim.

¹¹ Ne nokom nim, kiles ne tap okok midupsek pel pelnep kod mideb. Yaw.

Takaw day won oginap

¹² Bi Saylas ayip midil, takaw sikol won olap agil, nibop mij tikobul. Mam anib ak, ne bi tep yibil midil, yad Klays nop gos linepin tek ne nigup agil gos nepin. Pen mij tikipul anib awl, God nibop yimug niñid gitep gup takaw ak nibop agin agil, kil tikipul. God chinop yimug niñid gitep gup takaw ak, niñid yibil agil nibop agyikipin. Agyiken, nibi takaw anib ak dil, kiles gil jak midil, gos sek yenimib.

¹³ Pen Klays binib ne midebal taun Babilon* awl, kili nibop ag dideg lebal. Binib anib okok God nibop dil jimñil lil aglak. Ñi yad Mak abe nibop ag dideg leb.

¹⁴ Mam ay okok kilop mapen lilig, ñin pak sakinimib. Nibi Klays yil midebim okok midupsek, nibop gek kimigel midtep ginimib.

5:12 Apo 15.22, 15.40, 2 Ko 1.19, 1 Te 1.1, Hib 13.22, 2 Pi 1.12 **5:13**
 Apo 12.12, 12.25, 13.13, 15.37-39, Kol 4.10, 2 Ti 4.11, Plm 24 * **5:13**
 Bi gos nigep oginap anigil gos nigilak. Pita taun Babilon ñu kil tikak
 ak, taun Lom mideb tek agil tikak. Jon ne Lepelesin mij tikak ak,
 anib ak tek kil tikak. **5:14** Lom 16.16, 1 Ko 16.20, Epe 6.23

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Mar 2025 from source files dated 29 Jan 2022

24d09cce-9a93-523a-afa5-7b091c264cee